



SLUŽBENI GLASNIK OPĆINE TEŠANJ

IZDAVAČ: Općinsko vijeće Tešanj	Godina L - Broj 2	ŠTAMPA: Općina Tešanj
UREĐUJE: Stručni odjel Općine	Utorak, 07.03.2017. godine	Priprema: Sajda Klepić, Tehnički sekretar Vijeća
Tel. 032/650-022	T E Š A N J	“Službeni glasnik” izlazi po potrebi
Trg Alije Izetbegovića 11, 74260 Tešanj		
E-mail: sajda.kleplic@opcina-tesanj.ba		

Na osnovu člana 14. stav 1. Zakona o komunalnim djelatnostima («Službene novine ZE-DO», broj: 17/08), člana 35. Zakona o zaštiti potrošača u BiH ("Službene novine FBiH", broj: 25/06) i člana 14. Statuta Općine Tešanj («Službeni glasnik Općine Tešanj», broj: 11/07) Općinsko vijeće Tešanj na svojoj 5. sjednici održanoj dana 02.03.2017. godine donijelo je

O D L U K U

o izmjenama i dopunama odluke o zagrijavanju Tešnja daljinskim grijanjem i Uslovima za isporuku i preuzimanje toplotne energije

Član 1.

U Odluci o zagrijavanju Tešnja daljinskim grijanjem i Uslovima za isporuku i preuzimanje toplotne energije ("Službeni glasnik Općine Tešanj", broj: 4/12), član 183. Uslova za isporuku i preuzimanje toplotne energije dopunjuje se novim stavom koji glasi:

“8. Za sve korisnike toplotne energije koji su izvršili implementaciju mjera energetske efikasnosti a kojima se obračun isporučene toplotne energije vrši putem mjerača toplotne energije, plaćaju paušal po stopi od 10 %, umjesto 25 % koliko plaćaju ostali potrošači.

Za sve objekte/zgrade koje imaju Certifikat energetske efikasnosti kroz pojedinačne odluke će se utvrditi i niža cijena toplotne energije za potrošeni MWh.

Izuzetak čine objekti kolektivnog stanovanja kod kojih ne postoji tehnička mogućnost ugradnje individualnih mjerača toplotne energije u stanove ili poslovne prostore.

Primjena poticaja kod obračuna iz ovog stava počinje nakon što korisnik toplotne energije JP “Toplana” predoči Certifikat energetske efikasnosti .”

Član 2.

Ova odluka stupa na snagu narednog dana od dana objavljivanja u “Službenom glasniku Općine Tešanj”.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Senad N. Subašić, s. r.**

Broj: 02-02-1-354-2/17

Datum: 03.03.2017.godine

Na osnovu člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj na svojoj 5.sjednici održanoj dana 02.03.2017. godine donosi

O D L U K U

o načinu rasporeda budžetskih i drugih sredstava za dugoročnu podršku realizaciji kapitalnih projekata

Član 1.

Temeljni kriteriji za raspodjelu sredstava, namijenjenih za podršku realizaciji kapitalnih projekata na području općine Tešanj u periodu 2016-2020 godina, bit će broj stanovnika na području svake mjesne zajednice u kojoj (kojima) se projekat realizira (Parametri za određivanje broja stanovnika na području svake mjesne zajednice bit će godišnje ažurirani podaci o broju vlasnika ličnih karata (CIPS)).

Općina Tešanj će u realizaciji kapitalnih projekata u mandatnom periodu 2016-2020 godine ravnomjerno finansirati kapitalne projekte na području svih mjesnih zajednica iz budžetskih sredstava općine i budžetskih sredstava drugih nivoa vlasti, koliko prijedlozi i prioriteta općine budu uvažavani.

Član 2.

Utvrđuje se iznos minimalno 60 (šesdeset) % ukupnih sredstava planiranih za realizaciju projekata u jednoj godini za podršku realizaciji kapitalnih projekata u mjesnim zajednicama. Projekti za mjesne zajednice će se utvrđivati na osnovu prijedloga od mjesnih zajednica te kao takvi će biti predloženi u godišnjoj odluci/Listi kapitalnih ulaganja.

U slučajevima gdje Općina finasira čišćenje divljih deponija na području, za mjesne zajednice u kojima se utvrdi da su za nastale divlje deponije odgovorni stanovnici te mjesne zajednice, kao i da organi te mjesne zajednice, kao i da organi te mjesne zajednice nisu ništa uradili na prijavljivanju građana koji vrše nelegalno odlaganje smeća, nastali troškovi će biti obračunati sa stavke predviđene za projekte za tu mjesnu zajednicu u narednoj godini. Početak primjene ovakvog obračuna troškova čišćenja divljih deponija će biti za 2018.godinu, sa podacima iz 2017.godine.

Član 3.

Utvrđuje se iznos do 20 (dvadeset) % ukupnih sredstava planiranih za realizaciju projekata u jednoj godini za podršku realizaciji kapitalnih projekata od općeg interesa na području općine Tešanj. Projekti od općeg interesa na području općine Tešanj su projekti koji obuhvataju potrebu i korist za sve građane općine Tešanj, iz bilo koje oblasti života, zatim projekti podrške razvoju privrede, poljoprivrede, turizma ili drugih djelatnosti korisnih za razvoj lokalne zajednice. Projekti od općeg interesa mogu se realizirati i na pojedinačnim područjima, kada Općinsko vijeće potvrdi svojom odlukom takvu podršku. Svi projekti od općeg interesa će se usvajati na sjednici Općinskog vijeća zajedno sa drugim projektima koji će se realizirati u svakoj godini.

Član 4.

Utvrđuje se iznos do 20 (dvadeset) % ukupno planiranih sredstava za realizaciju projekata u jednoj godini za podršku realizaciji projekata solidarnosti.

Projekti solidarnosti mogu obuhvatiti, projekte kojim se rješavaju vanredne situacije u bilo kojoj sredini (klizišta, odroni, prirodne nepogode, epidemije i drugo) a koje nisu mogle biti planirane u okviru redovnih projekata, jer se nije znalo da će se dogoditi.

Projekti solidarnosti mogu biti i projekti rješavanja nužnih infrastrukturnih pitanja u sredinama u kojima podrška realizaciji tih projekata na osnovu temeljnog kriterija (broja stanovnika) nije dovoljna.

Svi projekti solidarnosti će se usvajati na sjednici Općinskog vijeća zajedno sa drugim projektima koji će se realizirati u svakoj godini.

Član 5.

Mjesne zajednice koje ne budu obuhvaćene u raspodjeli jedne godine, bit će predmet raspodjele sredstava za

kapitalne projekte naredne godine i dalje sve dok se ne uravnoteži podrška kroz budžetska izdvajanja na osnovama raspodjele prema kriterijima iz člana 1. ove Odluke u vremenskom okviru ovog mandatnog perioda. Kod raspodjele sredstava i dalje se očekuje učešće građana u finansiranju projekata a prilikom kreiranja liste vodit će se računa i o ulaganjima u mjesne sredine proteklih godina.

Član 6.

Mjesne zajednice kod kojih su u toku ili trebaju biti izvršeni u realizaciju projekti vodosnabdijevanja i kanalizacije moraju biti prioritetni u odnosu na ostale. Prilikom raspodjele sredstava u obzir će se uzeti i potpisani ugovori o načinu vraćanja dugova mjesnih zajednica iz ranijeg perioda.

Član 7.

Stupanjem na snagu ove Odluke stavlja se van snage "Odluka o načinu raspodjele budžetskih i drugih sredstava za dugoročnu podršku u realizaciji kapitalnih projekata" (Službeni glasnik Općine Tešanj broj 10/05 i 3/13).

Član 8.

Ova Odluka stupa na snagu narednog dana od dana objavljivanja u "Službenom glasniku Općine Tešanj", a primjenjivat će se kod planiranja kapitalnih ulaganja u 2017 godini, zaključno sa krajem budžetske 2020. godine.

**OPĆINA TEŠANJ
OPĆINSKO VIJEĆE****PREDSJEDAVAJUĆI VIJEĆA****Senad N. Subašić, s. r.****Broj: 01-02-1-425-3/17****Datum: 03.03.2017. godine**

Na osnovu člana 8. stav 3. alineja 8. i člana 13. alineja 5. Zakona o principima lokalne samouprave ("Službene novine FBiH", broj: 49/06, 51/09) i člana 14. Statuta Općine Tešanj ("Službeni glasnik Općine Tešanj, broj: 11/07), Općinsko vijeće Tešanj, na svojoj 5. redovnoj sjednici održanoj, dana 02.03. 2017.godine, d o n o s i:

O D L U K U**o izmjenama i dopunama Odluke o pogodnostima za investitore u Poslovnoj zoni "Bukva"****Član 1.**

U Odluci o pogodnostima za investitore u Poslovnoj zoni "Bukva" ("Službeni glasnik Općine Tešanj", broj: 6/13 i 2/15) mijenja se član 1. i glasi:

"Općina Tešanj (u daljem tekstu: Općina) će sve poduzetnike koji su investirali u Poslovnoj zoni "Bukva" u daljem tekstu: investitor) koja je definisana

članom 9. Odluke, na zemljištu koje je vlasništvo općine Tešanj osloboditi svih taksa i naknada koje su propisane općinskim Odlukama.

Član 2.

Član 3., Član 4. i Član 7. Odluke brišu se.

Član 3.

U članu 6. Odluke briše se stav 1. i stav 3.

Član 4.

Član 8. Odluke mijenja se i glasi: "Prava i obaveze iz zaključenih Ugovora mogu se prenijeti na treća lica samo u cijelosti uz prethodnu saglasnost Općinskog načelnika."

Član 5.

Dosadašnji Član 5. postaje Član 3., Član 6. postaje Član 4., Član 8. postaje Član 5., Član 9. postaje Član 6. i Član 10. postaje Član 7. i Član 11 postaje Član 8.

Član 6.

U Odluci riječi "državnom vlasništvu" mijenjaju se u riječi "vlasništvu općine Tešanj"

Član 7.

Ova Odluka stupa na snagu narednog dana od dana objavljivanja u „Službenom glasniku Općine Tešanj“.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s.r.

Broj: 01-02-1-416-2/17

Datum: 03.03.2017.godine

Općinsko vijeće Tešanj je na svojoj 5. sjednici održanoj 02.03.2017.godine, razmatrajući Dnevni red 5.sjednice Općinskog vijeća, na prijedlog vijećnika Lihić Adnana donijelo sljedeći

ZAKLJUČAK

Da se sa dnevnog reda skine 6. tačka, Prijedlog Rješenja o imenovanju komisija Općinskog vijeća Tešanj, uz zaključak da je Komisija za izbor i imenovanje obavezna pribaviti kratke biografije/obrazloženja za svakog kandidata, te u zasebnoj tabeli kao prilog Prijedlogu Rješenja uputiti Kolegiju na uvrštavanje u dnevni red za narednu sjednicu Vijeća, te uvažiti volju građana, temeljeći naredni prijedlog na zastupljenosti u Općinskom vijeću Tešanj.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA

Senad N. Subašić, s. r.

Broj: 01-05-4-409-4/17

Datum: 03.03.2017. godine

Općinsko vijeće Tešanj je na svojoj 5. sjednici održanoj 02.03.2017.godine, razmatrajući Informaciju o realizaciji Strategije općine Tešanj, donijelo sljedeći

ZAKLJUČAK

1. Prima se na znanje Informacija o realizaciji Strategije općine Tešanj.
2. Općinsko vijeće Tešanj smatra da postoji potreba da se krene u izradu novog strateškog plana za novi srednjoročni period, pri čemu će se voditi obzira o planiranim ili započetim projektima u postojećoj Strategiji.
3. Zadužuje se Općinski načelnik da u naredna dva mjeseca predloži Općinskom vijeću Tešanj potrebne akte (odluku, rješenje...) za pokretanje postupka za izradu nove Strategije razvoja općine Tešanj.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

Broj: 01-49-2-438-2/17

Datum: 03.03.2017. godine

Općinsko vijeće Tešanj je na svojoj 5. sjednici održanoj 02.03.2017.god. razmatrajući Informaciju o radu Općinskog suda Tešanj za 2016. godinu, donijelo sljedeći

ZAKLJUČAK

Prima se na znanje Informacija o radu Općinskog suda Tešanj za 2016.godinu.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

Broj: 01-06-1-294-3/17

Datum: 03.03.2017. godine

Općinsko vijeće Tešanj je na svojoj 5. sjednici održanoj 02.03.2017.godine, razmatrajući Informaciju o organizovanju i funkcionisanju sistema zaštite i spašavanja i zaštite od požara na području općine Tešanj za 2016.godinu, donijelo sljedeći

ZAKLJUČAK

Prima se na znanje Informacija o organizovanju i funkcionisanju sistema zaštite i spašavanja i zaštite od požara na području općine Tešanj za 2016.godinu.

**OPĆINA TEŠANJ
OPĆINSKO VIJEĆE**

PREDSJEDAVAJUĆI VIJEĆA

Senad N. Subašić, s. r.

Broj: 01-44-5-311-2/17

Datum: 03.03.2017. godine

Na osnovu člana 30. Statuta općine Tešanj (Službeni glasnik općine Tešanj" broj:11/07), Zakona o javnim nabavkama ("Službeni glasnik BiH" broj:39/14), u skladu sa Budžetom općine Tešanj za 2017.godinu a na zahtjev Službe za društvene djelatnosti i investicije općine Tešanj, općinski Načelnik donosi:

ODLUKU

**o dopuni Plana nabavki općine Tešanj
za 2017.godinu**

I

U vezi sa ukazanim potrebama Općine Tešanj a na osnovu zahtjeva Službe za društvene djelatnosti i investicije općine Tešanj Plan javnih nabavki za 2017.godinu se dopunjava tako što :

- u dijelu Plana "radovi" dodaje se nova tačka 11."Izgradnja pumpnih stanica sa vodovodnom mrežom na vodovodu Medakovo-Trepče", procijenjena vrijednost bez PDV-a 80.000,00KM, CPV kod iz JRJN 45000000-7, otvoreni postupak, pokretanje postupka februar-april, ekonomski kod:821600, budžetska stavka "Vodosnabdijevanje".

II

Ova Odluka objavit će se na web stranici ugovornog organa i čini sastavni dio Plana Javnih nabavki za 2017.godinu.

III

Ova Odluka stupa na snagu danom donošenja i objavit će se u Službenom glasniku Općine Tešanj.

**OPĆINA TEŠANJ
OPĆINSKO VIJEĆE**

OPĆINSKI NAČELNIK

Suad Huskić, s.r.

Broj:02-2-1-241-2/17

Datum:21.02.2017.godine

Na osnovu člana 30. Statuta Općine Tešanj ("Službeni glasnik Općine Tešanj", broj: 11/07) Općinski načelnik donosi

RJEŠENJE

**o imenovanju Radne grupe za izradu
Projektnog zadatka**

I

Imenujem radnu grupu u slijedećem sastavu:

1. Hamzalija Hojkurić, predsjedavajući
2. Jusuf Katica,
3. Edin Jašarević,
4. Muris Prnjavorac,
5. Alija Ogrić

II

Zadatak radne grupe je:

- proučiti postojeće sisteme video i sigurnosnih nadzora koji se koriste za nivo općina (zakonski, tehnički, softverski, sigurnosni, menadžerski, finansijski i dr. aspekti),
 - upoznati se sa praktičnim primjerima u užem i širem okruženju,
 - definisati elemente i ulazne parametre za izradu Projektnog zadatka za izradu tehničke i druge dokumentacije
 - obezbijediti Projektni zadatak,
 - u nastavku vođenja cijelog projekta učestvovati u nadzoru nad izradom tehničke dokumentacije
- Krajnji rok za završetak Projektnog zadatka je 3. april 2017.godine o čemu će radna grupa upoznati Općinskog načelnika.

III

Radna grupa će pored poslova iz tačke II. vršiti nadzor i reviziju nad izradom konačnog projekta.

IV

Rješenje stupa na snagu danom donošenja i objavit će se u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE**

OPĆINSKI NAČELNIK

Suad Huskić, s.r.

Broj: 04-49-2-424/17

Datum: 21.02.2017. godine

Na osnovu člana člana 30. i 56. stav 2. Statuta općine Tešanj ("Službeni glasnik Općine Tešanj" broj 11/07) Općinski načelnik donosi

R J E Š E N J E
o imenovanju predsjednika Savjeta MZ
Dobropolje Mekiš

I

Imenuje se Handžić (Nurija) Hasan za predsjednika Savjeta MZ Dobropolje Mekiš.

II

Mandat imenovanog predsjednika Savjeta traje od dana imenovanja i prijema ovog rješenja, a prestaje istekom mandata.

III

Rješenje se donosi na osnovu statutarno provedene procedure i prijedloga Savjeta mjesne zajednice Dobropolje Mekiš.

IV

Ovo rješenje stupa na snagu danom donošenja i objavit će se u "Službenom glasniku općine Tešanj", stupanjem na snagu ovog rješenja stavlja se van snage prethodno rješenje o imenovanju predsjednika Savjeta MZ Dobropolje Mekiš broj: 03-05-3-3560-26/12, od 08.01.2013.godine.

OPĆINA TEŠANJ
OPĆINSKO VIJEĆE

OPĆINSKI NAČELNIK
Suad Huskić, s.r.

Broj: 03-05-3-2355-101/16.
Datum: 08.02.2017. godine

Na osnovu člana člana 30. i 56. stav 2. Statuta općine Tešanj ("Službeni glasnik Općine Tešanj" broj 11/07) Općinski načelnik donosi

R J E Š E N J E

o imenovanju predsjednika Savjeta MZ Jelah

I

Imenuje se Garić (Mehmed) Esad za predsjednika Savjeta MZ Jelah.

II

Mandat imenovanog predsjednika Savjeta traje od dana imenovanja i prijema ovog rješenja, a prestaje istekom mandata.

III

Rješenje se donosi na osnovu statutarno provedene procedure i prijedloga Savjeta mjesne zajednice Jelah.

IV

Ovo rješenje stupa na snagu danom donošenja i objavit će se u "Službenom glasniku općine Tešanj", stupanjem na snagu ovog rješenja stavlja se van snage prethodno rješenje o imenovanju predsjednika Savjeta MZ Jelah broj: 03-05-3-3560-27/12, od 08.01.2013.godine.

OPĆINA TEŠANJ
OPĆINSKO VIJEĆE

OPĆINSKI NAČELNIK
Suad Huskić, s.r.

Broj: 03-05-3-2355-104/16.
Datum: 09.02.2017. godine

Na osnovu člana člana 30. i 56. stav 2. Statuta općine Tešanj ("Službeni glasnik Općine Tešanj" broj 11/07) Općinski načelnik donosi

R J E Š E N J E

o imenovanju predsjednika Savjeta MZ
Raduša

I

Imenuje se Artuković (Adem) Muharem za predsjednika Savjeta MZ Raduša.

II

Mandat imenovanog predsjednika Savjeta traje od dana imenovanja i prijema ovog rješenja, a prestaje istekom mandata.

III

Rješenje se donosi na osnovu statutarno provedene procedure i prijedloga Savjeta mjesne zajednice Raduša.

IV

Ovo rješenje stupa na snagu danom donošenja i objavit će se u "Službenom glasniku općine Tešanj", stupanjem na snagu ovog rješenja stavlja se van snage prethodno rješenje o imenovanju predsjednika Savjeta MZ Raduša broj: 03-05-3-3560-57/12, od 21.01.2013.godine.

OPĆINA TEŠANJ
OPĆINSKO VIJEĆE

OPĆINSKI NAČELNIK
Suad Huskić, s.r.

Broj: 03-05-3-2355-110/16.
Datum: 28.02.2017. godine

Na osnovu člana člana 30. i 56. stav 2. Statuta općine Tešanj ("Službeni glasnik Općine Tešanj" broj 11/07)
Općinski načelnik donosi

R J E Š E N J E
o imenovanju predsjednika Savjeta MZ
Vukovo

I

Imenuje se Travančić (Ašir) Muhamed za predsjednika Savjeta MZ Vukovo.

II

Mandat imenovanog predsjednika Savjeta traje od dana imenovanja i prijema ovog rješenja, a prestaje istekom mandata.

III

Rješenje se donosi na osnovu statutarno provedene procedure i prijedloga Savjeta mjesne zajednice Vukovo.

IV

Ovo rješenje stupa na snagu danom donošenja i objavit će se u "Službenom glasniku općine Tešanj", stupanjem na snagu ovog rješenja stavlja se van snage prethodno rješenje o imenovanju predsjednika Savjeta MZ Vukovo broj: 03-05-3-3560-75/12, od 29.01.2013. godine.

OPĆINA TEŠANJ
OPĆINSKO VIJEĆE

OPĆINSKI NAČELNIK
Suad Huskić, s.r.

Broj: 03-05-3-2355-102/16.
Datum: 08.02.2017. godine

S A D R Ž A J

I - AKTI OPĆINSKOG VIJEĆA

Strana

13. Odluke o izmjenama i dopunama odluke o zagrijavanju Tešnja daljinskim grijanjem i Uslovima za isporuku i	
14. preuzimanje toplotne energije.....	23
15. Odluke o načinu rasporeda budžetskih i drugih sredstava za dugoročnu podršku realizaciji kapitalnih projekata.	23
16. Odluke o izmjenama i dopunama Odluke o pogodnostima za investitore u Poslovnoj zoni "Bukva"	24
17. Zaključak – Dnevni red	25
18. Zaključak - Informacija o realizaciji Strategije općine Tešanj	25
19. Zaključak - Informacija o radu Općinskog suda Tešanj za 2016.godinu	25
20. Zaključak - Informacija o organizovanju i funkcionisanju sistema zaštite i spašavanja i zaštite od požara na	
21. području općine Tešanj za 2016.godinu.	26

II - AKTI OPĆINSKOG NAČELNIKA

28. Odluka o dopuni Plana nabavki općine Tešanj za 2017.godinu.....	26
29. Rješenje o imenovanju Radne grupe za izradu Projektnog zadatka (videonadzor).....	26
30. Rješenje o imenovanju predsjednika Savjeta MZ Dobropolje Mekiš.....	27
31. Rješenje o imenovanju predsjednika Savjeta MZ Jelah.....	27
32. Rješenje o imenovanju predsjednika Savjeta MZ Raduša.....	27
33. Rješenje o imenovanju predsjednika Savjeta MZ Vukovo.....	28

